

7. *CORONILLA cretica* herbacea, leguminibus quinis erectis teretibus articulatis, foliolis undenis. Linn. Syst. Veget. p. 670.

Numerus undenarius foliolorum, quem Linnæus in differentia specifica pro signo characteristico habuit, minus constans est. Copiosissime enim variat foliolis novem, duodecim, tredecim, quindecim, immo septemdecim in uno ramo. Neque numerus quinarius leguminum semper constans est. Melius et constantius signum præbet *pedunculus inferne pilosus*, quod commode cum reliquis pro characterem specifico adhiberi posset.

8. *LATHYRUS inconspicuus* pedunculis unifloris calyce brevioribus, cirris diphyl-  
lis simplicibus, foliolis lanceolatis. Linn. Syst. Veget. p. 662.

Planta mea exacte convenit cum descriptione a Linnæo in Syst. Plant. Tom. III. p. 464. data, exceptis *leguminibus*, quæ ante maturitatem villosa, dorso et carina pilosa scabriuscula, observantur, quæ autem maturitate villositatem et scabritiem plane deponunt læviaque fiunt, et foliolis paullo longiora et angustiora sunt, non illis lætiora. *Flores* solitarii in alis petiolorum. *Corolla* connivens numquam explicatur, vix calyce paullo major. *Calycis dentes* setacei, inæquales.

### 9. THRINCIA.

*Observatio I.* Dictum est hoc genus a *Θρυξός*, pinna s. corona murorum; quoniam coronula seminum radii similem formam habet. Ab eodem vocabulo forsitan etiam derivandum est nomen plantæ adfinis, *Hyoseridis radiatæ* Linn., *TRINCIATELLA*, quo usus est Ioach. Camerarius in horto med. et philosoph. p. 173.

### 10. COLOBIUM.

*CAL. communis* ovato-oblongus, octangulus, octophyllus, persistens: *foliolis* lanceolatis, carinatis, aequalibus; basi calyculatus vel subimbricatus *squamis* paucioribus, brevissimis, arcte adpressis.

*COR.* uniformis, imbricata, composita *Corollulis* hermaphroditis, lingulatis, oblongis, truncatis, quinquentatis, extus ad faucem villis longis obsessis.

*STAM.* et *PIST.* ordinis.

*PERIC.* nullum. *Calyx* immutatus, ovato-acuminatus.

*SEM.* solitaria, oblonga, utrinque attenuata, angulosa, rugosa:

*disci pappo* stipitato plumoso prædita, deciduo;

*radii* tot, quot calycis foliola, subincurva, calycis foliolis maxima ex parte inclusa, apice truncata, *calyculo* brevi paleaceo multidentato-obliquo coronata, cum calyce persistens.

*RECEPT.* convexo-planiusculum, alveolatum: alveolis coadunatis, truncatis, dentato-aristatis, femine longe minoribus.

*Observat. I.* Essentialis hujus generis character sequens erit: *Calyx* octangulus, caly-

calyculatus. *Semina radii* truncata, calyculo paleaceo multidentato; *disci* pappo plumoso coronata. *Receptaculum* alveolatum.

*Observat. II.* Proxime accedit *Hyoseridi*, differt autem structura feminum et pappi, nec non receptaculo. Ab Hedyphnoë Gen. pl. ed. Schreb. n. 1243. differt receptaculo, et feminum interiorum pappo stipitato plumoso; nec calyculo obsoleto multifido brevissimo, et intra eum pappo e paleis quinque composito coronato praeditis.

*Observat. III.* Nominavi hoc genus *Colobium*, κολόβιον scil. Φυτόν, a κολοβός, mutilus, deficiens, quoniam femina radii pappo quasi mutila sunt; ex eadem ratione, propter quam Cel. Curtis in Flora sua Londinensi alteram speciem LEONTODON *deficiens* anglice dixit.

**X. COLOBIUM *hirtum*** radice fasciculata perenni, calycibus basi subimbricatis, feminum pappo substipitato.

LEONTODON *hirtum* calyce laevi, foliis sinuato-dentatis scabris, seminibus rugosis: radii calyculo proprio multidentato: disci pappo plumoso coronatis. Flor. Germ. Tom. I. p. 1333. Tom. II. part. 2. p. 245. n. 5. ubi synonyma videnda.

LEONTODON *hirtum* calyce toto erecto, foliis dentatis hirtis: setis simplicissimis. Leers Flor. herb. n. 605. c. descr.

LEONTODON *hirtum*. Deficient Leontodon. Curtis Flor. londinens. n. 66. tab. 4.

HEDYPHOIS *bispidum*. var. β. *hirtum*. Hudf. Flor. angl. ed. 2. p. 340.

RHAGADIOLUS foliis semipinnatis asperimis. Hall. hist. pl. Helv. n. 7. Lachenal nov. act. Helvet. vol. I. p. 271.

RHAGADIOLUS *taraxacoides*. Allion. Flor. pedem. n. 836.

APARGIA *hirta*? Schkuhr Handbuch tab. 220.

*Radix* fasciculata, perennis.

*Folia* radicalia, obverse lanceolata, basi in petiolum attenuata, obtusa, sinuato-dentata, saturate viridia, pilis apice bif. trifurcatis hispida et quodammodo canescentia.

*Scapi* plures ex una radice, filiformes, sulcati, pilis furcatis adspersi, cum primis infra medium, palmares et semipedales, nudi, uniflori, infra florem paullulum incrassati.

*Calyx* plerumque octangulus, octosulcatus, octophyllus, basi foliolis paucioribus calyculatus, infimis nonnullis inordinatis; hinc subimbricatus, plerumque glaber, saturate viridis, foliolis apice purpurascens, ante florescentiam nutans.

*Flores* lutei, corollulis exterioribus dorso virescentibus.

*Semina*, exceptis marginalibus octo, truncatis et calyculo proprio paleaceo multidentato coronatis, pappo plumoso, radiis viginti ad viginti quatuor, alterne mino-